



Na osnovu Naredbe Kriznog štaba Ministarstva zdravstva Kantona Sarajevo, broj:45-20/20 od 04.07.2020. godine, v.d direktora donosi:

KRIZNI PLAN PRIPRAVNOSTI I ODGOVORA NA POJAVU KORONAVIRUSA (COVID-19)

Ovim Kriznim planom JU „Pozorište mladih“ Sarajevo (u daljem tekstu: Pozorište) utvrđuju se preventivne mjere u cilju usmjeravanja radnika JU „Pozorište mladih“ Sarajevo u okolnostima izazvanim pojavom koronavirusa (COVID-19). Plan sadrži tri cjeline kako slijedi:

I Radnici JU „Pozorište mladih“ Sarajevo

- **smanjenje fizičkog kontakta**

Radnici Pozorišta u obavezi su da smanje broj direktnih kontakata, posebno na udaljenosti manjoj od dva metra.

- **smanjenje radnih sastanaka**

Radnici Pozorišta u obavezi su da održavaju sastanke video vezom, pojačati telefonsku i e-mail komunikaciju. Preporučuje se sve sastanke u Pozorištu održavati on line, ili kao je to neophodno, u zatvorenom prostoru sa ne više od 7 osoba uz obavezno nošenje maski i poštivanje fizičke distance na manje od 2 metra.

Sastanci članova Komisija, Upravnih i Nadzornih odbora održavaju se na način da se poštuju mjere fizičke distance i obavezno nošenje zaštitnih maski.

U slučaju neophodne potrebe može se organizovati rad od kuće ukoliko takva mogućnost postoji.

- **praćenje kontakata**

Radnici Pozorišta u obavezi su da vode računa o osobama sa kojima su u zadnjih 48 sati bili na manjoj fizičkoj udaljenosti od 2 metra i vremenski duže od 15 minuta („bliski kontakt“). Istovremeno su dužni da zapamte kontakt osobe ukoliko bude potrebno da te podatke saopšte zdravstvenim radnicima.

Svi radnici Pozorišta obavezni su u slučaju pojave simptoma zaraze korona virusom (povišena temperatura / suhi kašalj), ostati kod kuće, te o tome obavijestiti nadležnu zdravstvenu ustanovu i poslodavca. Na isti način dužnost svih radnika je postupiti i u slučaju kontakta sa oboljelom od korona virusa.

- **Samoizolacija bolesnih**

Svi radnici Pozorišta u obavezi su ostati kod kuće u slučaju pojave simptoma bolesti uzrokovane zarazom (temperatura, kašalj). Ako su bili u kontaktu sa osobom oboljelom od koronavirusa ili su se vratili iz područja u kojima je registrovana pojava koronavirusa, dužni su odmah obavijestiti nadležnu zdravstvenu ustanovu i poslodavca.

II MJERE HIGIJENE

- Ulazak u ustanovu

Obavezuju se svi radnici i posjetioци Pozorišta da prije ulaska u Pozorište dezinfikuju obuću u dezabarijeri postavljenoj na ulazu u ustanovu, da dezinfikuju ruke sredstvom za dezinfekciju postavljenim na ulazu u Pozorište, uz nošenje maske za lice i održavanje fizičke distance u svim smjerovima najmanje 2 metra.

-Higijena

Svi radnici su dužni pridržavati se mjera higijene izdatih od nadležnih institucija koje podrazumijeva redovno pranje ruku.

-Provjetravanje, čišćenje i dezinfekcija prostora

Zajedničke prostorije obavezno je provjetravati dva puta dnevno najmanje pola sata uz nadzor ulaznih vrata tamo gdje je potrebno, kako bi se spriječio ulazak osoba bez nadzora. Kvae na ulaznim vratima obavezno treba dezinficirati što češće.

Najmanje jednom dnevno će se dezinficirati električni prekidači u zajedničkim prostorijama, kvake u zajedničkim prostorijama i kancelarijama, rukohvati u hodnicima, telefoni u zajedničkim prostorijama i kancelarijama.

III TIM ZA UPRAVLJANJE KRIZNOM SITUACIJOM

Direktor imenuje Tim Pozorišta za dalje poduzimanje neophodnih aktivnosti u vezi sa sprečavanjem širenja zaraze u prostorijama Pozorišta, donošenjem potrebnih radnih uputstava ili instrukcija.

Predstavnikе Tima čine radnici cjeline administracije (viši stručni saradnik za pravne poslove i viši stručni saradnik za ekonomsko-računovodstvene poslove) i domar, domaćin objekta Zaim Maguda.

Nepridržavanje mjera utvrđenih ovim Kriznim planom od strane radnika i posjetilaca Pozorišta predstavlja kršenje Zakona o zaštiti stanovništva od zaraznih bolesti („Sl. Novine FBiH“, broj:29/05).

NAPOMENA: Ovaj krizni plan mijenjat će se i dopunjavati shodno preporukama i naredbama nadležnih organa.

Sarajevo, 06.07.2020.

Broj: 284-02-2-1/20

v.d direktora:

Ismir Fazlić

Dostaviti:

- Oglasna ploča
- Web stranica
- a/a